

sententiis ad informandum hunc Commentarium plurimum usus fit Autor, liquet ex fine: *et ad presens hec collecta ex dictis sancti augustini et ex dictis sancti crisostomi circa sacrum euangelium beati iohannis sufficiant.*

II. fol. 132. *Ανακεφαλαιωσιν* instituit Autor redeundo ad C. I. *Job.* hoc modo: *In principio erat uerbum. Supposita literali expositione ex dictis circa literam in hiis uerbis exponendis per modum collacionis tria insinuantur &c.* Atque hic jam non totus textus percurritur, sed singularia delibantur. Autorem hujus geminae Expositionis *Lucae Waddingo* in *Scriptt. O. M.* debeo. Est is *Job.* dictus a Patria *Wallensis*, *Gualensis*, *Walleys* mortuus *Parisiis* 1285. a suo *Communiloquio* seu *Summa* notus, quidquid *Oudinus Thomam Forsum* pariter dictum *Gualensem* sed O. Praed. obgerat, cui nihil ejusmodi tribuunt

solertissimi *Bibliothecarii Domini-*
cani, nec *Tannerus* in *Bibl. Brit. Hib.* quanquam non diffitear, tenebras pluribus *Gualensibus* circumfusas a nemine adhuc fatis discussas fuisse. Quod me praeterea *Waddingo* adjungit, est finis secundae hujus Expositionis. Sisteat ea in C. ult. v. 18. Cum autem *senueris*, *extendes manus tuas* &c. eumque totum B. *Francisco Affi-*
siati adplicat, unde et in margine notatur: *Thema de beato Francisco.* Pro quo sane *Dominicum* legeres, si Autor ad hujus *Sodalitium* pertinuisset. Clausula est: *Ex hiis collacionibus patent misteria multa in litera ut patet conferenti collaciones cum ipsa litera.* Sunt enim de illis que dicuntur in litera in quibus est pondus misteriorum magis ut similiter patet consideranti.

Adscripti sunt alia manu coe-
va: *Versus consanguinitatis Christi.*

*Anna solet dici tres concepisse marias
Quas genuere uiri Joachym Cleophas Salomeque.
Has duxere uiri Joseph alpheus Zebedeus
Prima parit christum Jacobum secunda minorem
Et joseph iustum peperit cum Symone iudam
Tercia maiorem jacobum volucremque johannem.*

CXVI. VII E 18

336 Codex membraneus lat. Sec. XII. Folior. nunc 169. f. per duas columnas bene scriptus complectitur *Haimonis*, cujus tamen nomen reticetur, e *Fuldensi Monacho* *Episcopi Halberstad.* Scriptoris Sec. IX. *Commentaria in D.*

Pauli Epistolas, non tamen consueto ordine, ut etiam collatio cum Editione *Parif. 1550. 8.* docuit. Est vero is in *Cod. Ordo: Epistola ad Rom. ad Corinth. I. ad Corinth. II.* quae a fine c. 10. deficit, ad *Thessalonic. I.* quae incipit a fine c. 3. ad *Thessalonic. II. ad Timoth. I. et II. ad Galat. ad Ephes.*

ad Philipp. ad Coloss. ad Philem. ad Titum, ubi tamen nihilo plus quam in *edit. suprac.* ut adeo quærelæ de mutilis hujus *Epistolæ* *Commentariis*, quam Editor *fol. 287.* tollit, e nostro *Cod.* mæderi nequeamus. Finem facit *Epistola ad Hebraeos*, quæ et ipsa tamen in iis ad *C. 13.* verbis: *beatus petrus hortatur dicens christus passus est* — abruptum. Ut vero initium etiam *Codici* adponamus, incipit ille: *A Chorintho Civitate Metropoli Achaïæ Regionis. scripsit apostolus paulus romanis &c.* Id ceterum peculiare habet, quod in usum fortassis *Oratorum* *sacrorum* titulis *Capitum* plerumque adscriptum sit nomen *Dominicæ* aut *Festi* cuiuspiam, quod nempe talis *Capitis* materia pro concione illa die habenda subservire queat. *Commentaria* *Nostri in Apocalypsin* indicantur *Cod. CCLXXXIII.*

CXVII. VIII. E. 3.

352 Codex membraneus lat. Sec. XII. Folior. nunc 100. f. per duas columnas scriptus, variisque in locis ope marginum subpletus in ipsa Theca exteriori: *Glosæ magistri Gifilberti in paulum apostolum*, *fol. vero et p. 1.* *Glosata* vel *Glosatura* *magist. Gifilberti in paulum apostolum* inscribitur. Atque hac ipsa voce utitur *Albericus Monach.* in *Chron.* dum ait *Gilbertum* (*Gifilbertum*, *Gislebertum*) *Romæ laudatum fuisse*, quod correctus (ob opinan-

di licentiam) *fecisset minorem Glossaturam continuam in Psalterium et in Epistolas Pauli.* Quod addit: *insequendo dicta Beati Augustini et alia*, quæ recipiuntur, manifeste probat, de nostro præfenti *Commentario* *Sermonem* ei fuisse; quamvis enim ex *Ambrosii* etiam, *Origenis* et *Hieronymi* dictis conflatus sit, maximam tamen paginam *Augustinus* facit. Est vero *Gilbertus* hic famosus ille *Picaviensium* *Antistes* dictus de *Porreta* a. 1154. vivis exemptus, de quo copiose *Oudinus* *T. II. col. 1276.* Opus illius, quod prae manibus habemus, utut scripta non desint *Exemplaria*, quæ in *Lelongii Bibl. Sacra*, *Montefalconii Bibl. Biblioth. Mss.* et ipso *Oudino* habes, typis nunquam expressum putem, idque ideo, quod pene nunquam propriis verbis utatur *Autor*, *PP.* dicta recitare contentus. *Codex* unus e tribus, qui in *Catal. Bibl. Reg. Paris. P. III. T. III. p. 299.* indicantur, *Oudino* teste incipit: *Sicut Legis ita et Evangelii &c.* ex quo infero, *Exemplo* nostro *Praefationem* deesse; initium enim ejus est ab *Exordio Epistolæ ad Romanos: Paulus Servus &c. More scribentium epistolas premittit salutationem &c.* Deficit in *Expositione Epistolæ II. ad Timotheum c. 3.* his verbis: *errantes ipsi et alios in errorem mittentes. Quales sunt qui se ad temptationes non parant sed huius seculi felicitatem* — —.

CXVIII.